

ادبیات عمومی و تجریدی

هفته‌لق سیاسی، ادبی، علمی غزته‌در

جلد: ۳

سنه: ۲ ۱۴ شعبان ۱۳۳۶ جمعه ایرتنی ۲۵ مایس ۱۹۱۸ نومرو ۳۸ — ۶۹

احمال و فکر

نظریه لک و کری

ساطع به افندی به، احتراماًمله برلکده

محترم و صاحب کرم معارضلرمه، فلسفه و علوم و فنون تاریخی بر دفعه دها او قومق زحمتی اختیار بیورمه‌لرینی رجا ایدرم. او زمان کورورسکزکه مشائیون برشیئه بیاض دیورسه اشراقیون عینی نسنه‌یه سیاه دیور. هرکس بشقه برادعاده. عجبا حقیقت هانکی جهتده، نه سمتده‌در؟ «والله اعلم بالصواب» ضرب مثلی قدر طوغری بر سوز بیلمم. وضعیت بومرکزده ایکن ارباب دانشدن برچوغی، ناموسلی متفکرلر، — لا ادویه — (آغنوستیق) مذهبه سالک اولیورلر. هر حالده حقاری یوق دکل، چوق.

فلسفه‌ده، مابعدالطبیعه سپه کولاسیونلرنده، اخلاقیاتده، اجتماعیاتده بربرینی ناقض و ناسخ نه فکرلر وار!..

اگر حقیقت مستقر و ثابت اولسه ایدی، ایش بساطت نهائیه‌سنه ارجاع ایدلمش بولونوردی. مناقشه، مباحثه، مناظره، محاضره، مشائمه، محاربه... بونلر اولمازدی. لکن حقیقت یدی قات پچه آلتنده محتجدر. حقیقت قالین بر پرده آرقه‌سندن صیریتیور.

انتظار

تلفون! ای کیجه کوندوز کوزمک قباہ کھی!

انصاف ایلیمورمی سکا یارک نکھی؟

بیلیمورمی نه قدر وصلتته مفتقرم؟

بونی تبشیر ایدہ جک بر سوزیتہ منتظرم

اضطرابانی عرض ایلیموب استرخام ایت!

کثیر اول طاتلی صدایی بنی غرق کام ایت!

اوسماوی سسی بن بکلیورم بی آرام

اهتزازاتی آنک روحی ایدر مست مدام

مصطفی رشید

«مرأت صافی، دن:

آکدهجه سر کویکی صحرالره صیغمام

علویت افکار ایله دنیالره صیغمام

عقباده دخی واصل جانان اوله مازسم

جتله، کلشنلره، ماوالره صیغمام

چاک بدن ایله چیقارم خارجه برکون

روح صیقیلور اوله هیولالره صیغمام

ماهیم ادراک ایله اولماز متصور

بر حوصله سوزم که سویدالره صیغمام

صافی آرام فوق عوالمده عوالم

علویت افکار ایله دنیالره صیغمام